

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“ broj 7/10), Zakona o izvršenju Budžeta Zeničko-dobojskog kantona za 2013. godinu („Službene novine Zeničko-dobojskog kantona“ broj 19/12), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 136. sjednici, održanoj dana 21.11.2013. godine d o n o s i

ZAKLJUČAK

o usvajanju Programa pomoći lokalnim zajednicama u implementaciji projekata iz poljoprivrede u 2013. godini

I.

Usvaja se Program pomoći lokalnim zajednicama u implementaciji projekata iz poljoprivrede u 2013. godini, na razdjelu 23, budžetska organizacija 01, potrošačka jedinica 0001, ekonomski kod 614400, NAD 407, Budžeta Zeničko-dobojskog kantona za 2013. godinu, u iznosu od 160.000,00 KM (slovima: stotinušezdesethiljada konvertibilnih maraka).

II.

Program pomoći lokalnim zajednicama u implementaciji projekata iz poljoprivrede u 2013. godini, sastavni je dio ovog zaključka.

III.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svoje nadležnosti.

IV.

Zaključak stupa na snagu danom donošenja.

Broj: 02-_____ -1/13.
Datum, 21.11.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

PROGRAM
Pomoći lokalnim zajednicama u implementaciji projekata
iz poljoprivrede u 2013. godini

Podaci o Programu

- | | |
|---------------------------------------|---|
| 1. Program je usvojen | Na 136. sjednici Vlade Zeničko-dobojskog kantona održanoj dana 21.11.2013. godine |
| 2. Period realizacije Programa | Do kraja 2013. godine |
| 3. Ukupna vrijednost Programa | 160.000,00 KM |
| 4. Namjena i svrha Programa | Pomoć lokalnim zajednicama u implementaciji projekata iz oblasti poljoprivrede i projekata od interesa za lokalnu zajednicu koji se vežu za projekte koji su od istog interesa za Zeničko-dobojski kanton. |
| 5. Korisnici Programa | Instrumenti lokalnog ekonomskog razvoja lokalne razvojne agencije sa područja Zeničko-dobojskog kantona, te organizacije koje implementiraju projekte podržane od stranih partnera. |
| 6. Izvori sredstava | Sredstva Budžeta Zeničko-dobojskog Kantona za 2013. godinu stavka Subvencije za razvoj lokalnih zajednica, a koja se nalaze u razdjelu 23, budžetska organizacija 01, potrošačka jedinica 0001, ekonomski kod, 614400, NAD 407.
Na osnovu Zakona o izvršenju Budžeta Zeničko-dobojskog kantona za 2013. godinu („Službene novine Zeničko-Dobojskog kantona“, broj: 19/2012 od 28. 12. 2012. godine). |
| 7. Odgovorna osoba | Bojan Bošnjak, ministar. |

I. UVOD

Na području Zeničko-dobojskog kantona već duži niz godina egzistira nekoliko lokalnih agencija za ekonomski razvoj koje se bave, između ostalog i razvojem poljoprivrednih kapaciteta u općinama Zeničko-dobojskog kantona, preko kojih veliki broj građana ostvaruje mogućnosti vlastitog angažmana i ekonomskog boljitka. Sa ciljem da Ministarstvo za poljoprivredu, šumarstvo i vodoprivredu Zeničko-dobojski kantona spremno odgovori na zahtjeve lokalnih zajednica po pitanju finansiranja kod implementacije projekata koje kreiraju lokalne agencije za razvoj sa područja Zeničko-dobojskog kantona, Vlada Zeničko-dobojskog kantona je u Budžetu za 2013. godinu, planirala sredstva u iznosu od oko 160.000,00 KM za ove namjene.

U velikom broju slučajeva ove organizacije realizuju projekte koji su potpomognuti i od strane međunarodnih organizacija, gdje veoma često izostaje finansijska podrška vlasti. Kako bismo izbjegli ovu pojavu ovaj Program kreiramo i kao podršku organizacijama prilikom realizacije pojedinih međunarodnih projekata. Danas se poljoprivreda, poljoprivredni proizvođači nose sa mnogo poteškoća, pogotovo u nedostatku stručne i materijalne potpore. Nedovoljno razvijen poljoprivredni sektor, posebno prerađivački kapaciteti, rezultuje time da imamo jako malo uspješnih registrovanih malih, a još manje srednjih preduzeća, preduzeća koji mogu biti generator lokalnog razvoja.

Uspostavljanje organizovanijeg sistema proizvodnje, prerade kao i prodaje poljoprivrednih proizvoda na lokalnom nivou treba da bude zadatak svih koji se nalaze u lancu odgovornosti uključujući i Kantonalno Ministarstvo za poljoprivredu, šumarstvo i vodoprivredu..

II. IZVOR SREDSTAVA ZA REALIZACIJU PROGRAMA

Sredstva su planirana u Budžetu kantona za 2013. godinu u okviru Tekućih transfera na poziciji „Subvencije za razvoj lokalnih zajednica“ u razdjelu 23, budžetska organizacija 01, potrošačka jedinica 0001, ekonomski kod 614400, NAD 407.

III. NAMJENA SREDSTAVA

Ciljevi ovoga Programa su, između ostalog, usmjereni ka animiranju građana Zeničko-dobojskog kantona, a posebno onih iz ruralnih sredina za bavljenjem poljoprivredom. Također, bitno je postojećim aktivnim poljoprivrednim proizvođačima pomoći kako bi povećali asortiman poljoprivrednih proizvoda. Zatim, želja je da se razvije efikasniji i konkurentniji sistem poljoprivredne proizvodnje, podstakne edukacija poljoprivrednih proizvođača, uspostavi samoodrživost poljoprivrednih proizvođača, učini diverzifikacija poljoprivrednih proizvoda, komercijalizacija proizvoda i dr.

Sredstva iz ovog Programa namjenjena su da se troše za vrlo važne aktivnosti u oblasti poljoprivredne i to prema prioritetu:

PRIORITET 1:

Finansiranje projekata koji se realizuju u poljoprivredi gdje su aplikanti lokalne razvojne agencije registrirane na području Zeničko-dobojskog kantona.

PRIORITET 2:

Sufinansiranje projekata iz poljoprivrede koji se organizuju zajedno sa međunarodnim partnerima, kada kao uslov za implementaciju projekata međunarodne organizacije postavljaju sufinansiranje projekta iz kantonalnog budžeta i gdje su takve organizacije većinski nosioci u finansiranja projekta.

Prednost u korištenju sredstava imaju projekti koji se realizuju u poljoprivredi, gdje su aplikanti i nosioci aktivnosti lokalne razvojne agencije registrirane na području Zeničko-dobojskog kantona.

Pomoć u finansiraju projekata iz poljoprivrede kada su nosioci aktivnosti uslovljeni od strane neke od međunarodnih organizacija u pogledu učešća državnih organa u sufinansiranju projekata pomoći će se, ukoliko se sredstva ne iskoriste za projekte iz prethodnog stava.

IV. KRITERIJI ZA KORIŠTENJE SREDSTAVA

PRIORITET 1

Opšti uslovi:

- Aplikanti lokalne razvojne agencije registrirane na području Zeničko-dobojskog kantona,
- Iskustvo u upravljanju poslovnom infrastrukturom od značaja za lokalni razvoj (poslovni inkubator),
- Podržat će se projekat koji doprinosi razvoju lokalnih zajednica, a fokusiran je na smanjenje siromaštva putem održivog zapošljavanja i samozapošljavanja kroz bavljenje poljoprivredom proizvodnjom.

Posebni uslovi:

- Prethodno iskustvo u implementaciji projekata sa stranim donatorima iz oblasti poljoprivrede,
- Postojanje specijaliziranog, posebnog pristupa u informisanju poljoprivrednih proizvođača,
- Broj radnika nepohodnih za uspješnu realizaciju projekta - minimalno 4 (četiri) radnika,
- Prednost će se dati agencijama koje već posjeduju dodatnu infrastrukturu potrebnu poljoprivrednim proizvođačima,
- Aplikant može podnijeti samo jedan projektni prijedlog,
- Prednost će se dati projektima koji se fokusiraju na lokalnu proizvodnju i prodaju,
- Dokaz da podnosilac zahtjeva nema dospjelih, a ne izmirenih poreskih obaveza prema državi,
- Projekt treba da ima elemente održivosti.

Napomena: Podnosioci zahtjeva moraju biti u stanju da demonstriraju uspješne prethodne rezultate u implementaciji integriranih razvojnih programa, koji se odnose na jačanje lokalnih zajednica kroz razvoj poljoprivredne proizvodnje.

Podnosilac zahtjeva opisuje prethodno ili trenutno iskustvo u primjeni sličnih aktivnosti. Ovo je ključni faktor za procjenu kapaciteta primaoca sredstava da implementira predviđenu aktivnost.

Uz zahtjev prilažu se i sljedeći dokumenti:

- Ovjerena fotokopija rješenja o registraciji,
- Ovjerena fotokopija Uvjerenja o poreskoj registraciji,
- Prijedlog programa/projekta,
- Odluku i ugovor o davanju na korištenje poslovne infrastrukture od strane općine u vezi poslovne infrastrukture (poslovni inkubator),

- Dokazi o ispunjavanju posebnih uslova (ugovori o implementaciji projekata iz oblasti poljoprivrede sa stranim donatorima, uvjerenje porezne uprave koje se odnosi na broj radnika, dokazi o posjedovanju neophodne infrastrukture i sl.).

PRIORITET 2

Opšti uslovi:

- Dokaz da im je sjedište na području Zeničko-dobojskog kantona,
- Dokaz da međunarodna organizacija za implementaciju projekta traži finansijsko učešće Kantona (potpisan Ugovor ili Memorandum) sa iznosom ili procentom učešća u projektu,
- Podržat će se projekat koji doprinosi razvoju poljoprivrede, a fokusiran je na smanjenje siromaštva putem održivog zapošljavanja i samozapošljavanja kroz bavljenje poljoprivrednom proizvodnjom.

Posebni uslovi:

- Prethodno iskustvo u implementaciji projekata sa stranim donatorima iz oblasti poljoprivrede,
- Prednost će se dati organizacijama koje već posjeduju dodatnu infrastrukturu potrebnu poljoprivrednim proizvođačima,
- Dokaz da su implementirali projekte ovog karaktera sa poljoprivrednim proizvođačima sa područja Zeničko-dobojskog kantona,
- Potvrde o upisu u registar gazdinstava ili klijenata za organizatora i kooperante koji će učestvovati u projektu.
- Dokaz da podnosilac zahtjeva nema dospjelih a ne izmirenih poreskih obaveza prema državi.
- Projekt treba da ima elemente održivosti.

Uz zahtjev prilažu se i slijedeći dokumenti:

- Ovjereni fotokopiji rješenja o registraciji,
- Ovjereni fotokopiji Uvjerenja o poreskoj registraciji,
- Prijedlog programa/projekta,
- Dokazi o ispunjavanju posebnih uslova (ugovori o implementaciji projekata iz oblasti poljoprivrede sa stranim donatorima, dokazi o posjedovanju neophodne infrastrukture i sl.).

V. REALIZACIJA PROGRAMA

Ministarstvo za poljoprivredu, šumarstvo i vodoprivredu će raspisati javni poziv za dodjelu sredstava za projekte iz ovog Programa.

Program će se realizirati do kraja 2013. godine.

Broj: 02-_____ -1/13.

Datum, 21.11.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.